



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 33. Concilium Balgenciacense.

[urn:nbn:de:hbz:466:1-66385](#)

Nogentum adveniens Godefridus Sæcul. XII.
 Congregationem non pluribus quam sex monachis constantem, & muros undique pæne collapsos invenit. At ipse ædificia restauravit, & Regularem revocavit disciplinam; unde post breve temporis spatium monachorum numerus crevit, & duo Abbates, relictis suis monasteriis, se Godefredi disciplinæ subjece-
 runt. Non minore solertia res externas *Guibert.* no-
 expediebat, quam monasticæ Disciplinæ *vig. II. de
invigilabat;* unde rem domesticam ex *vit. S. c. 2.*
 privatorum beneficiis multum auxit. Oblatas sibi Abbatias Nogentinensi pinguiores accipere noluit, & tandem Episcopali fastigio dignus habitus, Remis *vit. I. c. 32.* consecratus est a Manasse Archiepiscopo, *c. 2.* assistentibus illius provinciæ Episcopis, atque inter alios Lamberto Attrebatenſi, & Joanne Teruanensi, qui, Godefrido arctissimo amicitiæ fœdere juncti, Ambianum intrantem honoris & obsequii causa comitati sunt.

§. XXXIII.

Concilium Balgenciacense.

De Regis absolutione a Censura ex-
 communicationis actum est in alio
 Concilio, quod Richardus Papæ Legatus
 eodem anno millesimo centesimo quar-
 to Balgenciaci celebravit. Res hujus *ep. 144.*
 Concilii plane ignoraremus, nisi Iponis

G 4

Car-

Sæcul. XII. Carnotensis superesset epistola, qua Pa-
A.C. 1104. schali Pontifici narrat, quid in eo sit ge-
stum. Notum, inquit, facimus Paterni-
tati vestræ, quod tertio Kalendas Augu-
sti plures Episcopi tam Remensis quam Se-
nonensis Provinciæ, & ego, invitati a Ri-
chardo Legato vestro, convenimus in quod-
dam Municipium Aurelianensis Episcopa-
tus, nomine Balgenciacum, ad dandam Re-
gi absolutionem, prout in literis vestris
id facere jubebamur. Adfuit Rex quo-
que cum Laterali sua, & secundum præ-
ceptum vestrum, tacitis Sacrosanctis Evan-
geliis ambo parati fuerunt absolute omnem
carnalis copulæ confuetudinem abjurare,
insuper & mutuam collocutionem, nisi
præsentibus testibus minime suspectis, us-
que ad vestram dispensationem. Sed quia
in Literis vestris continebatur, ut Lega-
tus in hoc negotio consilium virorum pru-
dentium adbiberet, totum onus voluit pen-
dere ab arbitrio Episcoporum, & contra
Episcopi, nescio quo consilio, semper dice-
bant, se in hac causa comites & non duces
esse oportere. Quamvis quibusdam no-
strum videretur, quod Absolutio hoc modo
boneste posset concedi, & ob quorundam
simultates non deberet impediri. Cum
itaque res infecta relinqueretur, clamita-
bat Rex, se ab Episcopis pessime haberet.
Vestræ vero Paternitatem hodieque ro-
gat, ut secundum moderationem Litera-
rum

rum vestiarum & mandata ore tenus Galo-
lono Episcopo commissa, ejus causam tem-
peretis. Tandem & nos Paternitatis ve-
stræ aures pulsamus; indulge, Beate Pa-
ter, bujus Principis infirmitati, quantum
sine Salutis æternæ jaætura fieri potest, &
Regnum excommunicatione ipsius magnis
periculis expositum libera.

Sæcul. XII.
A.C. 1104.

Ceterum illud quoque a Sanctitate tua
supplices poscimus; jube, Galonum Epi-
scopum, Fratrem nostrum, opera Archi-
episcopi Senonensis ab Ecclesia Belvacensi,
quam ob Regis juramentum servare non
potest, ad Ecclesiam Parisensem, quam
ei Rex parens, & filius, ut amorem in te
testatum faciant, lubenti animo concedunt,
transferatur. Qui hanc epistolam tibi
reddet, referet, Galonum unanimi Cleri-
corum populique suffragio esse electum,
ejusque Translationem contra Canones non
pugnare. Effectu preces non caruerunt,
nam Galono ad Cathedram Episcopalem
Parisensem, anno millesimo centesimo
quarto translato, Geofridus in Sede Bel-
vacensi suffectus est.

§. XXXIV.

Concilium Parisiense.

Ut huic Epistolæ Ivonis Carnotensis ob-
sequeretur Paschalis Papa, datis ad
Episcopos trium provinciarum Remensis,
Senonensis & Turonensis literis, jussit;

to. 10. Conc.
ep. 35.

G 5

si